



Minung Zawnruehnak Umhmunkhuarnak Prokrem

COVID-19 RUANGAH RIANTUANPIAKNAK THLENNAWNNAK PAWL

COVID-19 a hun chuahphut tikah Minung Zawnruehnak Umhmunkhuarnak Prokrem tangah bawmhnak cu riantuanpiakmi pawl sinah pehzulh in a ngah ko. Sihmanhsehlaw, phung ning in ngandamnak lei ruahnakcheuhmi ning in riantuanpiaknak pek ning cu aa thleng kho men.

Hi athar tawlirelnak pawl cu dingteo in ceihmai dingah na **HSP riantuanpiaknak petu** kha zaangfahnak in pehtlaihnaak tuah.

COVID-19 le a hmelchunhnak pawl kong hlathlai.

Atlangpi Zohnak

Minung Zawnruehnak Umhmunkhuarnak Prokrem (HSP) nih bawmhnak a herhmi pawl kha thiamnak pawl le hngalhkauhnak ngeih dingin bawmhnak a pek hna, aruang cu Australia mibu ah mah le mah aa bochanmi le a cawlcangmi chungtel pawl si an herh.

Australia ram pumpaluk ah hnatlaknak a tuahmi riantuanpiaknak petu hmang in Australia Cozah aiawh in HSP cu pek asi. HSP ah telnak cu mah lungtho tein tuahmi asi i aherhmi cungah aa hngatmi tawlirelnak hmang in riantuanpiakmi pawl sinah riantuanpiaknak cu pek asi.

HSP riantuanpiaknak petu pawl nih a hlawhtlingmi umhmunkhuarnak caah a hrampi asi bantuakin a tang i langhtermi papek deuh hmunhma pawl ah teinak hmuh dingah riantuanpiakmi pawl cu a bawmh hna:

- Riantuannak
- Fimcawnnak le cawnpiaaknak
- Holhlel riantuanpiaknak
- Umnak inn
- Tangka tawlirelnak
- Taksa le thinlung ngandamnak le himnak
- Mibu telnak le pehtlaihnaak
- Innchungkhar riantuannak le zatlang nun bawmhnak
- Dinfelnak

HSP cu adang umhmunkhuarnak le abiapimi riantuanpiaknak fonh in riantuan dingah timhlahmi asi. Mirangholh cawnding le a herhmi fimcawnnak le rian lei thiamnak hmuh ding ah riantuanpiakmi pawl bawmh kha fak piin hmaithlaknak a ngei i cucu bawmhna a hmumi pawl nih Australia nun ning an i ziak khawhnak ding, hi hmunhma pawl ah athami aphichuak pawl hmuh khawhnak dingah bawmhmi asi.

HSP riantuanpiaknak petu umnak hmunhma pawl le pehtlaih khawhnak kongkau cu hika ah hmuh khawh asi.

Atlakmi Sinak

Atang i langhtermi visa pawl lakah pakhat aa tlaihi cu Australia ah umhmunkhuar dingah onh asi, HSP riantuannak tangah Australia an phak in bawmhna ngah dingah Ramchung Thatnak ca Riantuannak Bu (Department of Home Affairs) nih HSP riantuanpiaknak petu sinah anmah pawl cu a kuat chin hna.

- Ralzaam (thenchinmi 200, 201, 203 le 204) visa; le
- Vawleicung Huap Ahleikhun Minung Zawruahnak (thenchinmi 202) visa (Zatlang Bu Bawmhna Prokrem ah aa telmi pawl telchih loin).

Riantuanpiaknak pawl

HSP kongkau tawltreitu pawl cu pumpak he aa tlaimi thi sining tawltreitnak lei timhlahmi thanchoter dingah riantuan piakmi pawl he riantuanti an ngei i tha tein fiantermi an herhmi pawl caah a thami riantuan piaknak pawl kha an pek hna.

Riantuanpiaknak ah telchihmi hna cu hi bantuk ahmasa atak bawmhna pawl an si:

vanlawng tual i donnak

aphanmi pawl thutdirnaknak le thilri chiahiaknak

ahmasa tirawl le a herhmi thilri pawl peknak

Centrelink, Silei-zohkhenhnak le tangka chiahnak inn(bank) ah minkhumhnak bawmhna

rianrang in a herhmi ngandamnak kong chimhnak

poipang ton tikah zeidah tuahding asi timi le holhlehnak riantuanpiaknak ngah ning lamhmuhsaknak pawl

tualchung riantuanpiaknak pawl theihternak

Riantuanpiakmi pawl nih an umhmunkhuarnak a phichuak an hmuh khawhmi a dang riantuannak pawl ah aa telmi cu:

Australia minung nunning le man kongah riantuanpiakmi theihngalhnak a sersiammi vawlei lamhnak kongkau Theihternak prokrem peknak

caan sau thutdirnak ngeih dingah bawmhna

ngandamnak le innchungkhar bawmhna lei riantuanpiaknak telchih in abiapimi riantuanpiaknak pawl hmuh dingah bawmhna

tualchung zatlang bu phu pawl le an cawlcanghnak pawl pehtlaihternak

Upa Mipeem Mirangholh Cawnnak Prokrem (AMEP) he minkhumhnak tuahding le cawnnak ah kai dingin bawmhnak

atlakmi fimcawnnak le cawnnak ah minkhumh ding le phak hlan i ngeihmi thiamnak pawl le awnnak pawl cohlan piak dingah bawmhnak

chawlehnak dirhnak caah rian tuanpiaknak pawl tuahnak, rian tuan ning pawl le bawmhnak hmuhnak caah bawmhnak.

HSP riantuanpiaknak petu pawl nih online a hmang kho lomi FTS atlakmi riantuanpiakmi pawl Alak Calehnak Riantuanpiaknak (FTS) a ngah khomi si dingin soknak kongkau ah bawmhnak zong a pek khawh.

HSP in chuahnak cu riantuanpiakmi pawl nih an konglam tawltrelnak timhtuahmi ah umhmunkhuarnak aphichuak pawl langhter cangmi an hmuhmi cungah aa hngat. Atambik riantuanpiakmi pawl caah hi aphichuak pawl cu Australia an phak in thla 6 in thla 18 chungah tuahpiak asi lai.